

東強敬義書院志

創建敬義書院記

棗強漢屬清河郡與廣川鄰歷代沿革分合遷徙不常名屢更  
遂與廣川相雜故今猶稱古廣川云漢大儒董子蓋生是邦今  
縣城中有董子祠舊縣村王善友村多姓董氏者亦有董子祠  
三馬又相傳為古棘津地司馬遷史記游俠列傳謂呂尚困於  
棘津集解徐廣曰在廣川司馬彪續漢書郡國志於冀州清河  
國下稱廣川故屬信都有棘津城今縣舊有太公祠蓋用史記  
集解之說且棘與棗相類故援引太公以為地重而劉昭續漢  
志注補則謂太公棘津琅邪海曲非此城也夫太公之果嘗困  
於此事遠難稽即董子之生果為今棗強境與否亦未可定然

人心東爨好德之良與學者慕古希賢希聖之懷有非口舌所  
能奪者是固可以置而不辨也縣故有大原書院近董子祠舊  
志載明萬歷初張江陵為相檄毀天下書院遂改為北察院今  
察院已毀舊址無可徵矣惟董子祠如故太公祠亦久圯春秋  
有司設席棚城外致祭書院曠廢已三百年學之不講蓋亦久  
矣考太公曾封武成王蓋以詩有時維鷹揚之語又以世稱六  
韜陰符為太公之書予謂太公於古實聞道之聖人其告武王  
以丹書之言曰敬勝怠者吉怠勝敬者滅義勝欲者從欲勝義  
者凶實與虞書危微精一之傳成湯以義制事以禮制心之論  
若合符契其後孔子作易傳曰敬以直內義以方外敬義立而



德不孤其言與堯舜禹湯同揆而實則太公已先發之矣是以孟子歷叙道統於太公望稱為見而知之推重如此誠百世之師也後世不考六韜陰符皆周末秦漢人所附託而鷹揚之績亦止言其一端封為武成不亦陋乎當漢武帝時功利橫流學術淆雜而董子獨抱仁義禮樂道德為學其對武帝之策曰仁人者正其誼不謀其利明其道不計其功又以為諸不在六藝之科孔子之術者皆絕其道勿使並進其旨與太公所以告武王者無以異也故劉向稱其有王佐才雖伊呂無以加而劉歆獨不然其父言劉龔班固附而和之是皆未聞乎大道之要者也夫為學而不知道求道而不得其要其論古固涉於偏陂其

所以致知與力行者亦必散漫而無紀雜陋而鮮當其處困窮既不能隱居求志以期道集於厥躬其用於世又何能行義達道以佐君而致治况欲其或潛或見立德立言使百世之下聞風而興起不亦難乎甚矣學不可不知道而求道不可以不得其要也且夫古之聖賢亦人也予亦人也所貴乎慕古之人者求其所以為古人者而師之也誦古人之言行古人之行則予亦古人而已矣豈徒扳引古人以為州里之榮哉同治十年予來宰棗強構講舍五間於署之西偏立學規以課士又二年得前邑令張君所購宅基一區在董子祠前爰籌資創建書院數十間中立廳事為講堂堂前為義學延師以訓蒙士堂之後為

經師弟子居游講習之所因取太公所述丹書之言名之曰敬  
義書院而講堂則大書董子正誼明道之訓以為諸生觀感之  
資誠以之數言也乃大道之要而學之所當法守者也每歲課  
士時率諸生拜董子之堂而春秋太公之祀亦即於講堂設位  
行禮以革除野祭之非願諸生肄業其中無徒囿於世俗科舉  
之陋而必以太公董子之所以教者為師蘊之為德行行之為  
事業庶無負區區創建之意也夫同治十三年秋

棗強考棚記

棗強故無考棚歲科試張葦席於縣署儀門內遇風霾雨雪往往飄捲壓墜歌側滲漏無安坐之地祁寒溽暑不能蔽風日士甚苦之同治十三年春予因前令張君士銓所購宅基創建書院講堂二重既成將修肄業之舍邑士李清華李咸臨父子兄弟來請曰願以西偏宅房基址輸入書院庶可多建齋舍以為縣試之資予聞而善之其明年邑紳士王均王堉王圻王鈞兄弟諸子亦相與來請願鳩工庀材於前後講堂之中捐建齋房十八楹前為長廊橫列窻櫺高明爽塏由是闔境士民咸樂與觀成共捐制錢萬七千串有奇遂增建廡舍十五間於西偏講

堂前新作精舍四間李氏宅基前舊有瓦房六間後有小閣一座平房四間俱修理整齊各為院落務堅無華四方壘磚為牆上立雉堞高二尋許寬三尺長各十餘丈重門稱是以謹闕防遂定議於其中分立義學二書院一每年延經師居其西蒙師居其東專主教育寒素子弟又延山長居後講堂聽士子聚居齋舍考道問業而月課之第其高下覆試其真偽而獎以膏火之費以後平房四間又新建瓦房一間為庖湏之所凡為屋五十餘間平時為諸生肄業者之所居歲科試時即以為縣試之用而前後講堂不與焉洵一舉而數善備也縣舊有太公祠在西關外土岡中久圯有司春秋猶致祭於野予謂野祭非禮重

新其祠則多費因太公所引丹書敬義二言有合於孔子易傳之旨遂取以名書院為諸生勗春秋有司即設主於講堂以祀之祭畢安其主於小閣之上名之曰見知閣以太公於文王為見知之聖人也閣之下空其地長今尺三十二步濶丈八尺有奇以為歲試武生之射圃納射圃於書院中者期以詩書之澤化武人桀悍之風又所以振文士委靡之氣也修建將畢以餘財買地九頃有餘命紳士經理之以為師生束修膏火之所自出又購經史數部及予所校刊縣志鄉賢諸集板俱奔其中而令義學師主守之是舉也予經營二載得李王諸君為之倡又適值時和歲豐政刑清簡始克聚合邑之力以底於成後之司

事者念創建之艱必時省而歲修之無至於廢壞而不覺而有教士取才之任者必務敦實學而無徒事浮華俾士皆經明行修緯武經文以無負國家之錄用是則予所厚望者夫

敬義書院膏火地記

同治十三年予創建敬義書院既成乃以紳士商民捐輸餘資議存為肄業生延師束修膏火之用又慮發商生息不可以持久也於是買上地召佃人耕種之戒以每年登麥登穀之期分兩季納其租不由胥吏不入官府而擇紳士司其出入之數以綜理其成棗強保甲舊章一邑分為六路曰縣前曰南關曰縣東曰東關曰縣西曰西關六路各有長謂之分管地方居城中應官府之召令其鄉村則各有地方而以六路分管統之縣有事召分管分管召鄉村地方不日而辦其法絕善予為書院買地必其地畝所在之村有紳士為相視地之肥瘠選擇佃人之

勤惰然後書券成契一村之地以一村之地方司其租一路之地以一路之分管司其租每及期書院綜理紳士召六分管地方告之曰時至矣速催租無怠于是各路分管召各村地方而理之紳士登諸簿以待用其佃人之飢疲者令分管自往催之甚則令其村之紳士更擇一人命之佃不必白官府簽差役慮擾農民也其分管地方佃人之姓名與租入之數具載於契不必記且亦時有變更不能終古如一也惟地畝之數與所在之村落不可不志之以垂久遠其縣前路所轄之村三曰黑蟒村村南南北地一段計畝八曰楊蘇村村西南南北地一塊計畝十八畝二分五厘二毫



畝一分零七毫一絲五忽又村西南北地一塊計四畝四分三  
 厘一毫九絲七忽三塊共三十五畝九分九厘五毫二忽  
 曰劉村村南東北地一段計八畝零六厘二毫七忽又村西南  
 南北地一段計七畝零八厘一毫五絲又一段計八畝四分  
 厘四毫五絲六忽總共四十三畝八分四厘二毫二忽  
 其西關路所轄之村二曰蕭張村零六厘七毫一忽計十畝  
 西南南北地一段計二畝四分八厘零二毫二忽又村西南  
 南北地一段計八畝又村南南北地一段計二畝四分八厘  
 地一段計十畝零五厘二毫五絲八忽又村南南北地一段  
 八分一厘一忽曰杜烟村西西北地一段計十畝零五厘  
 毫一絲三忽又村西西北地一段計十畝零五厘一毫一忽  
 計十畝零四毫八絲又村西南東地一段計七畝零二厘一  
 忽又一塊計六畝六分五厘七毫共七忽又村西北地一段  
 計三十一畝計六畝六分五厘七毫共七忽凡為村十有五為地九頃三  
 十三畝六分一厘六毫七絲七忽  
 十二畝五分五厘八毫四絲七忽其地橫長濶步丈尺之細數

具載於契凡用制錢一萬六千餘串每豐歲地租所入計制錢  
 一千串有奇六路分管地方及鄉村地方時有更革必令繼之  
 者具承催狀存於公牘契之正者存於綜理之紳士其副本亦  
 存公牘縣禮吏司之紳士綜理者有更易必檢契往驗其地無  
 厭煩勞致日久或乾沒以壞成規是則邑人士所重賴者夫同  
 治十三年冬

敬義書院學則

學校書院皆培養人才之地興學教士為民生吏治之基學古  
乃可入官用行必有體立非可苟焉而已棗強為周太公隱居  
之鄉漢董子篤生之地名世大儒師表在望舊有大原書院圮  
廢三百年今特創建敬義書院崇祀太公兼作經蒙義學文武  
考舍意欲與邑人士以德業相切磋非徒為課文已也諸生其  
務明經修行實為明體達用之學庶幾處為真儒出為名臣上  
以備國家之錄用下以正鄉邑之典型區區之望特在於此謹  
以學問四要列於講堂諸生其省覽焉

一曰立實心

人之天性仁義禮智根於心本無不實迨氣拘物蔽嗜欲日  
深天機乃淺不求實際惟尚虛文虛偽日久則天性日漸銷  
亡矣處無實心以為學出即無實心以為政在家無心以愛  
親在國無實心以愛君與民哉亂之所生實由於此子思子  
曰誠者物之終始不誠無物是故君子誠之為貴諸生勉之

二曰敦實行

孝弟忠信人之根本禮義廉恥國之四維根本不立四維不  
張亂斯起矣夫有文無行君子所羞諸生為事事當求實行  
處則實修孝弟忠信以為法於家出則實修禮義廉恥以為  
範於世性心必求實得而無徒托虛言才能必求實際而無

徒誇末俗詩文必求實有根底而無徒騁浮華如是則窮可  
師表人倫達可兼善天下即或才智短淺亦不識為善人君  
子之徒諸生勉之

### 三曰講實學


學問之道莫實於大學一書明明德新民為規模以格致誠  
正為根本以修齊治平為究竟如此方有體有用之學諸生  
為學必研求已德何以能明民德何以能新遇一物必窮其  
應物之理處之務當其宜有一知必擴其未知之途推之以  
至其極意之誠不誠心之正不正身之修不修皆自反自克  
而無苟且以偷安家之何以不齊國之何以不治必皆窮其

原委究其利弊考之於經驗之於史反之於心審之於當世  
之故而思所以補救轉移之術如是方實學而有濟於斯世  
也諸生勉之

### 四曰務實用

人之為人固宜篤實而不浮又忌迂腐而無用天下多故士  
子皆將有斯世斯民之責則經濟尤須講求如教養之方禮  
樂兵刑之具用人行政之略牧民聽訟之宜緝盜禦寇之謀  
練軍籌餉之策在在關於國計民生苟不於平素詳求古法  
揆度時勢周知人情訪察地利明其義理悉其利害一旦入  
仕將何以濟賈太傅曰臣謹稽之天地驗之往古按之當今

之務日夜念此至孰也先儒尹和靖先生曰今國步方艱事  
皆繁劇宜先俊傑以濟艱難此皆深識時務之言吾甚望學  
者皆求為俊傑也諸生勉之



書院義學章程

一 創建書院義學原以培養寒素陶淑人才必須崇實黜浮存誠去偽嗣後不得視為故事徒成虛文延請院長必訪外府州縣或外省文行兼優足為師表之人延請義學師必訪本縣品端學正足為師表之人無論舉人進士皆由縣官紳士會議聘請無得徒受薦函不求實際但問科甲不論品行凡請院長義學師必先約明每年除正臘兩月其餘必須常住書院每月初一十五院長正課初二十六義學覆課可造就者請加批改其無可改者必請批明疵處以示學徒

一 每月初一初二正覆兩課先由院長義學師分別批改評定

然後送縣會閱兩課文字明通符合者始行錄取前列獎賞膏火如有一不符或有一課不到者不發獎賞只准備取以觀下次課文之真偽

一 義學係秉強義學止許本邑生童在內肄業其外州縣不得在內肄業尤不准在內考課緣書院地土皆本邑紳士商民竭力捐置只能為本邑士子肄業考課之用難以分及外邑且恐久之生冒籍騎考之弊

一 近奉 上諭考試章程甚嚴不准抄陳不准繼燭凡院中肄業生童逢課期必到考棚中作文生東童西不許攙越亦不許在自己屋內翻閱陳文限定二鼓交卷逾二鼓者降等

寫陳文者降列三等之末

一課卷各生自備只許各用方布包裹筆硯飯食四書詩韻不准各帶大筐搭子挾帶陳文書院原為造就人士必須做真實學問豈可挾帶抄寫自欺欺人豈非自悞一生

一富戶子弟願在書院義學讀書每月四課之外仍請院長塾師三八出題改文每日聽講者自應另送修金以盡敬師之道如實寒苦子弟或在院內讀書或在家請題送文呈改者不必再另具修金

一書院肄業生童准在西院十八間考棚內自行買席隔出房間住宿義學諸生俱在義學六間屋內住宿不准住宿外舍

一肄業生童常住院者牀竈桌椅須自備考棚桌椅定章歸養正義學師經營如諸生借用必由養正義學師立簿記明某人借用某物如損壞必須修好歸還如不告養正義學師登簿擅自取用者罰

一廚房火燭最要小心各人柴火不許放在考棚之內吃水由後門擔入必須檢點關閉如致失物即惟擔水人是問院長所住屋院必由伺候院長僕人每日淨掃義學師生房院必督令擔水夫每日淨掃其餘統歸門房廝役淨掃不許堆積柴火糞土以壞書院清靜之規

一肄業生童有事出入必稟明院長及義學師不准私自出入

尤不准趕集時在外觀望游蕩以染壞習氣亦不准飲酒

一每遇縣考之期凡在院內肄業生童盡行居外以謹闔防不得仍住院內

一地租每歲租入章程另有牌示每月用項數目亦必按月按款開列牌示俾一邑士子周知年終總結於牌示之末如一年除用尚有餘款應存留以為歲修及鄉試決科之用如遇荒歲租入不敷所出則次年必按月按課節省以彌補欠款無得借債負累以生弊端總之量入為出方可經久

一書院培養士子之地不得借作官員往來公館尤不得聽本地官上任去任暫住眷屬

一每年書院山長并傳經義學師束修及開課延師酒席每月書院義學正課覆課所用課生點心獎賞膏火禮房茶房飯食門丁每月工食及每鄉試決科獎賞俱由書院膏火地租中支用歸紳士經理至每逢縣考延幕友脩金一切人役工食雜用覆試諸生點心酒席每逢鄉試時賓興酒席俱由縣署開發不得動用書院租價

一書院所存縣志補正及日知堂集書板并一切書籍另有簿交傳經義學師經營有借板刷印並借閱書籍必告傳經義學師發出記于簿只准在院內刷印觀看不得出院印完看完仍交還傳經義學師記于簿有損壞罰賠

一太公祠久圯今立太公位於見知閣以董子配每年以二月  
開課之日遷神位於講堂南向設祭酒筵官紳與山長義學  
二師率諸生同祭祭畢撤筵送神位仍安于見知閣然後在  
講堂行開學禮山長義學師立于東知縣立于西對面四拜  
山長義學師轉西知縣轉東又對面四拜然後山長義學師  
又轉東知縣轉西諸生羅列階上向山長義學師四拜向知  
縣四拜諸生又分東西對面各兩拜退出官紳請山長義學  
師筵晏于講堂

一院中製買大架几三張大方桌三張中方桌五張大木椅十  
張小木椅一張藤椅四張方凳一張書架二張木藤炕一張

四人坐長考桌一百五十五張二人坐長考桌五十三張二  
人坐長凳三百五十四張交養正義學師立簿交替

創建書院稟批

上爵閣督憲稟 同治十三年七月

敬稟者卑職久疏晉謁思慕時深惟刻刻以勤政愛民教士為心庶仰報知遇於萬一前奉鈞札飭修縣志興書院卑職以初莅任先清積案省刑獄無暇及此嗣後案無積牘乃專以表正風俗為心訪孝子二人孝女一人節孝一百二十餘人鄉賢一人皆捐資詳報本邑社稷壇風雲雷雨壇先農壇八蜡廟火神廟皆倒塌無存卑職盡捐資修之以為民祈福名宦鄉賢祠廢缺無有卑職捐廉創建又訪邑中前賢遺集共二種為之刊布以勵士風去年於政餘博考旁搜續修縣志亦不開局募捐自

修自刻以省民力今年擬捐資創建一書院現已開工欲求中堂賜書書院大門及講堂匾額二方一曰敬義書院四字一曰正誼明道四字因此地為太公棘津董子廣川故里也向有太公祠董子祠二座故址尚存並乞賜題大街為書院光寵冒昧干求不勝惶恐之至卑職謹稟

爵閣督憲批示 同治十三年九月初一日

七月二十六日來稟閱悉該令表正風俗作勵士氣興廢舉墜可謂不遺餘力現在捐建書院請書大門講堂匾額二方茲已照擬書就題銜批發仰即刊刻懸掛繳

上各憲稟 同治十三年十二月初五日